



10392

丹陽詞

目錄

江神子 一調

蝶戀花 一調

臨江仙 一調

漁家傲 二調

鷓鴣天 二調

點絳脣 一調

行香子 一調

訴衷情 一調

水調歌頭 三調

木蘭花 一調

滿庭霜 一調

醉蓬萊 一調

西江月 二調

南鄉子 一調

浣溪沙 一調

西江月 二調

蝶戀花 二調

臨江仙 一調

丹陽詞目

定風波 二調

浣溪沙 三調

瑞鷓鴣 一調

浪淘沙 一調

驀山溪 三調

西江月 四調

浣溪沙 一調

虞美人 二調

瑞鷓鴣 一調

鵲橋仙 一調

江城子 二調

蝶戀花 一調

南鄉子 二調

減字木蘭花 一調

臨江仙 二調

減字木蘭花 二調

虞美人 一調

鷓鴣天 一調

西江月 一調

浪淘沙 一調

鷓鴣天 二調

木蘭花 一調



醉花陰 一調

浣溪沙 二調

臨江仙 二調

浣溪沙 一調

鵲橋仙 一調

臨江仙 一調

蝶戀花 三調

浪淘沙 三調

丹陽詞目

丹陽詞目錄

終



丹陽詞

宋葛勝仲

江神子

初至休寧冬夜作

昏昏雪意慘雲容獵獵風歲將窮流落天涯憔悴一  
衰翁清夜小窗圍獸火傾酒綠借顏紅官梅疏豔  
小壺中暗香濃玉玲瓏對景忽驚身在大江東上國  
故人誰念我晴嶂遠暮雲重

蝶戀花

二月十三日同安人生日作二首

雨後春光濃似醉著柳催花節物侵龍忌繡袂香闌  
當日珮紫蘭宮墮人間世歌管停雲香吐穉碧酒  
紅裳共祝魚軒貴天上阿環金籙秘龜鶴共壽三千

丹陽詞

歲

又

共樂堂深簾不捲惻惻寒輕二月春猶淺續壽競來  
歌舞院龍涎香襯鮫綃段畫棟朝飛雙語燕端似  
知人著意窺金盞柳外花前同祝願朱顏長在年齡  
遠

臨江仙

尉姜補之託疾臥家作

郊外黃陔端可厭歸來移病香閨象牀珍簟共委蛇  
耆婆尋草盡天女散花遲小雨作寒秋意晚簷聲  
與夢相宜冷侵羅幌酒煙微試評書五朶何似畫雙  
眉

漁家傲 初創真意亭于南  
溪遊陟晚歸作

巖崿縈回雲水窟  
林深路斷迷煙客  
茆屋數椽攜杖  
舄人寂寂侵簷萬箇琅玕碧  
倦客羈懷清似滌  
更無一點飛埃迹  
溪漲漫流過几席  
寒湜湜鳧鷖點破琉璃色

又

疊疊雲山供四顧  
簿書忙裏偷閑去  
心遠地偏陶令  
趣登覽處清幽疑是斜川路  
野蕪溪毛供飲具  
此身甘被煙霞痼  
興盡碧雲催日暮  
招晚渡遙遙一葉隨鷗鷺

鷓鴣天

九月十三日攜家遊夏氏  
林亭燕集作并送湯詞

丹陽詞

二

小柳幽園翠箔垂  
雲輕日薄淡秋暉  
菊英露浥淵明  
徑藕葉風吹叔寶池  
酬素景泥芳卮  
老人癡鈍強伸眉  
懽華莫遣笙歌散  
歸路從教燈影稀

又

婆律香濃氣味佳  
玻璃仙盃進流霞  
凝膏清滌高陽  
醉靈液甘和正焙芽  
香染指浪浮花  
加籩禮盡客還家  
貫珠聲斷紅囊散  
踏影人歸素月斜

點絳脣

縣齋愁  
坐作

秋晚寒齋藜牀香篆橫  
輕霧閑愁幾許夢逐芭蕉雨  
雲外哀鴻似替幽人語  
歸不去亂山無數斜日荒

城鼓

行香子

愁况無聊作

風物颼颼木落滄洲漸老人不奈悲秋羈懷都在鬢  
上眉頭似休文瘦文通恨子山愁庭梧影薄籬菊  
香浮強招尋聊命朋儔窮通皆夢今古如流且淵明  
徑子猷舫仲宣樓

訴衷情

清明寒食景暄妍花映碧羅天參差捍撥齊奏豐頰  
擁芳筵逢誕日掛真仙託爐煙朱顏長似頭上花  
杖歲歲年年

水調歌頭

程良器嘉量別賦一闕紀泛舟之會往返次韻

夜泛南溪月光影冷涵空棹飛穿碎金電翻動水精

丹陽詞

三

宮橫管何妨三弄重醅仍須一斗知費幾青銅坐久  
桂花落襟袖覺香濃庾公閣子猷舫興應同從來  
好景良夜我輩敢情鍾但恐仙娥川后嫌我塵容俗  
狀清境不相容擊汰同情賞賴有紫溪翁

又

下瀨驚船駛揮塵恐尊空誰吹尺八寥亮嚼徵更含  
宮坐愛金波瀲灩影落蒲萄漲綠夜漏儘移銅回棹  
攜紅袖一水帶香濃坐中客馳雋辨語無同青鞵  
黃帽此樂誰肯換千鍾巖壑從來無主風月故應長  
在賞不待先容羽化尋煙客家有左仙翁

又

勝友欣傾蓋，羈宦嬾書空。愛君筆力清，壯名已在蟾宮。蕭散英姿，直上自有練裙。葛屐豈待半通銅，長短作新語。墨紙似鴉濃。山吐月，溪泛艇，率君同。吾儕轟飲文字，樂不在歌鍾。今夜長風萬里，且倩泓澄浩蕩，一爲洗塵容。世上閑榮辱，都付塞邊翁。

木蘭花

與諸人泛溪作

木蘭千外池光闊，午夜喬林迷岸。樾掠船涼，吹起青蘋，紫水歌聲欺白雪。檀郎響趁，紅牙節，胡語嘈嘈。仍切切，人生何樂，似同襟，莫待驪駒聲慘咽。

滿庭霜

任昉嘗爲新安太守，風流名迹。圖經史牒具載，感今懷古作。

百不一多，一不爲少。阿誰昔仕吾邦，共推任筆洪鼎。

丹陽詞

四

力能扛不爲桃花，祿米讎書倦。一葦橫江，招尋處，徒行曳杖，曾不撻麾幢。山川真大好，魚磯無恙，密嶺難雙聽。訟訴多就樵塢僧，窗歲月音容遠矣。風流在遐想，心降雲煙路，梭奇弔古時，爲酌空缸。

醉蓬萊

天盛節作

望葱葱，佳氣虹渚，祥開斗樞。光繞析木，天津正，靈暉騰照。鷺綴分班象，胥交貢奉，御觴清曉。玉殿寒，輕金徒漏，永瑞爐煙裊。萬寓均歡，示慈頒，燕壽祝南山。慶均，鳧藻縹緲，紅雲望九重。天表舞獸，鏘洋抃，鼉欣戴度管絃聲。杳麻草長，新蟠桃秀，與天難老。

西江月

正月十七日與文中自邑境徧遊歙黟，初門山水十九日在黟邑同靈觀夜燕。

羈宦新來作惡窮途誰肯相從追攀十日水雲中情  
誼知君獨重 寂寂回廊小院冥冥細雨尖風鳳山  
香雪定應空昨夜疏枝入夢

又

山鎮紅桃阡陌煙迷綠水人家塵容誤到只驚嗟骨  
冷玉堂今夜 莫對佳人錦瑟休辭洞府流霞峯回  
路轉亂雲遮歸去空傳圖畫

南鄉子

三月望日與文中諸賢泛舟南溪作

柳岸正飛綿選勝齋輕漾碧漣笑語忘懷機事盡鷗  
邊萬頃溪光上下天 菰葦久延緣不覺遙峯靄暮

丹陽詞

五

煙對酒莫嫌紅粉陋嬋娟自有孤高月婦仙

浣溪沙

木芍藥詞

可惜隨風面旋飄直須燒燭看嬌嬈人間花月更無  
妖 濃麗獨將春色殿繁華端合眾芳朝南牀應爲  
醉淘淘

又

通白輕紅溢萬枝濃香百和透豐肌丹山威鳳勢將  
飛 玉鏡臺前呈國豔沈香亭北映朝曦如花惟有

上皇妃

又

鬪鴨關邊曉露沾華堂醉賞軸珠簾插花人好手纖

纖 遮護輕寒施翠幄標題仙品露牙籤詞人遺恨  
獨江淹

西江月 次韻林茂南  
博士杞泛溪

山外半規殘日雲邊一縷餘霞滿城飛雪散茗花萬  
頃溪連罨畫 柳暉風流舊國鶴齡瀟酒人家肯嗟  
流落在天涯雲水從今起價

又 代監  
酒和

晚路交游綠酒平生志趣青霞霜風時節近黃花泛  
宅舟將鷁畫 不分兩溪明月夜深只屬漁家今朝  
清賞寄情涯肯向縈塗索價

蝶戀花 和王  
廉訪

丹陽詞

六

風過漣漪紋縠細十指香檀驚破交禽睡野蕨溪毛  
眞易致風流未減蘭亭會 擊汰千艘供洛禊映水  
垂楊萬縷拖濃翠小海一聲波上戲殷勤留客千金  
意

臨江仙 燕諸部  
使者

自古吳興稱冷僻菰城水浸鄰鄰回星難望使車塵  
如何三日飲併有五行人 文似枚臯加敏速記書  
易若張巡幕中無用邨嘉賓他年浮棗會莫忘兩溪  
春

又

千古烏程新釀美玉觴風過鄰鄰歌聲未辨起梁塵

九天持斧客來作繡衣人 夙有辭華驚乙覽傳聞  
獻頌東巡未應握節久賓賓一封馳詔旨卻醉上林  
春

又與葉少蘊夢得上已遊  
法華山九曲池流杯

小樣洪河分九曲飛泉環繞粼粼青蓮往事已成塵  
羽觴浮玉螯寶劍捧金人 綠綺且依流水調蓬蓬  
搗鼓催巡玉堂詞客是佳賓茂林脩竹地大勝永和  
春

定風波

與葉少蘊陳經仲彥文燕  
駱駝橋少蘊作次韻二首

千疊雲山萬里流坐中碧落與鰲頭真意見嬉吾已  
領煙景不辭捧詔久汀洲 老去一官真是漫溪岸

丹陽詞

七

獨餘此興未能收留與吳兒傳勝事長記赤闌橋上  
攬清秋

又

共喜新涼大火流一聲水調聽歌頭況有脩蛾兼粉  
頰佳景謝公無不礙滄洲 平昔短檠真大漫氣岸  
老來都向酒杯收雲水光中修禊事猶記轉頭不覺  
已三秋

浣溪沙

少蘊內翰同年寵速且出後堂  
并製歌詞侑觴卽席和韻二首

今夜風光戀渚蘋欲教四角出車輪金釵離立座生  
春 神女恍驚巫峽夢飛瓊原是閭風人詔封後院  
寵儒臣

又

溪岸沈深屬泛蘋，傾城容貌此推輪。  
可憐虛度二年春，暮暮來時騷客賦，  
朝朝新處後庭人。天留花月伴羈臣。

又

少蘊內翰同年寵速遣  
妓隱簾吹笙因成一闕

東道殷勤玉笋飛，華燈傾國擁珠璣。  
玉奴嫌瘦玉環肥，縹緲幸聞緜嶺曲，  
參差猶隔夏侯衣。放開雲月出清輝。

瑞鷓鴣

和通判  
送別

兩年人住豈無情，別乘辭華四水清。  
何事千鍾勤飲餞，故知一別未能輕。  
解龜雖幸樊籠出，挂席還愁

丹陽詞

八

海汐平江草，江花都是淚。驪駒休作斷腸聲。

浪淘沙

將去南  
陽作

步履對東風，細探春工。百花堂下牡丹叢，  
莫恨使君來便去，不見鞦韆。霧眼一衰翁，  
無意芳穠。年來結習已成空。寄語國香雕檻裏，  
好爲人容。

驀山溪

天穿節和朱  
刑掾二首

望雲門外，油壁如流水。空巷逐朱幡，步春風、  
香河七里。冶容禠服，摸名道宜男。穿翠靄，  
度飛橋，影在清漪裏。秦頭楚尾，千古風流地。  
試問漢江邊，有解珮、行雲舊事。主人是客，  
一笑強頌春。燒燈後，賞花前，遙憶年年醉。

又

春風野外卵色天如水魚戲舞綃紋似出聽新聲北  
里追風駿足千騎卷高門一箭過萬人呼雁落寒空  
裏 天穿過了此日穿名地橫石俯清波競追隨新  
年樂事誰憐老子使得縱遨遊爭捧手乍憑肩夾道  
遊人醉

又

出門西笑千里長安道不用引離聲使登榮十洲三  
島畫船珠箔纈末水風涼隨柳岸楚臺人景與人俱  
好 應嗟見晚玉殿生清曉正是妙年時步承明謀  
身須早輶車膚使新逐凱歌回恩綰重綵衣輕嘉慶

丹陽詞

九

知多少

西江月

二首一連水東樓燕集一泛舟

豔曲醉歌金縷朱門高聳銅鑲中天樓觀共躋攀飛  
絮落花春晚 低映綠陰朱戶斜拖素練滄灣銀鉤  
華榜五雲間奕奕蛟龍字縮

又

鞞鞞斜紅帶柳琉璃漲綠平橋人間風月正新妖不  
數江南蘇小 恨寄飛花軟軟情隨流水迢迢鯉魚  
風送木蘭燒回棹荒雞報曉

又

與王庭錫登燕集作

清樾已生晝寂孤花尙表春餘象牀筠簟燕堂虛初

過晚涼微雨 珪璧新來北苑鱸魚未減東吳捧觴  
紅袖透香膚不汜翔龍煙縷

又 叔父慶八  
十會作

瑞獸香雲輕裊華堂繡幕低垂人生七十尚爲稀况  
是鈞璜新歲 登俎青梅的皪明闌紅藥芳菲天教  
眉壽過期頤常對風光沈醉

浣溪沙

賞芳

樓子包金照眼新香根猶帶廣陵塵翻階不羨掖垣  
春 不分與花爲近侍難甘漆洧贈閒人如羞如怨  
獨含顰

虞美人

酬衛卿  
弟見贈

丹陽詞

十

三年曾不窺園樹辛苦螢窗暮怪來文譽滿清時柿  
葉書殘猶自日臨池 春秋新學卑繁露黃卷聊堪  
語家人不用寄龜詩行看昇平樓外化龍歸

又

一輪丹桂窅窳樹光景疑非暮天公著意在茲時掃  
盡微雲點綴展清池 尊前金奏無晨露只有君房  
語驪駒客莫賦歸詩東道留連應賦不庸歸

一作共  
踏青槐

碎影夜  
闌歸

瑞鷓鴣

工部七月  
一日生辰

火風欲避金風至秀氣充閭初降瑞去家丁令卻歸  
來還燕懸弧當日地 金章紫綬身榮貴壽福天儲

昌又熾怪來一歲四遷官還過當生元太歲

鵲橋仙

七夕

鵲橋仙偶天津輕渡卻笑嫦娥孤皎平時五夜似經年問何事今宵便曉雲車將駕神夫留戀更吐心期多少支機休浪與閑人莫倚賴芳心素巧

江城子

呈劉無言壽

浮家重過水晶宮五年中事何窮無恙山溪鬢影落青銅欲向舊遊尋舊事雲散彩水流東苔花向我似情鍾舞霜風雪濛濛應怪史君顏鬢便衰翁賴是尋芳無素約端不恨緣陰重

又和無言雪詞

丹陽詞

十一

飛身疑到廣寒宮玉花中興何窮酒貴旗亭誰是惜青銅飄瞥三吳眞妙絕銀萬里失西東草堂紅蠟暖歌鍾賞空濛豐頰修眉鶴髻擁仙翁欲作氍毹花底客清漏永禁城重

蝶戀花

章道祖生日

安石榴花濃綠映解慍風輕乍改朱明令袞繡元臣門戶盛童孫此日懸弧慶夜宴華堂添酒興□□除書遠帶天香賸欲浥茗波供續命不須龍護江心鏡

南鄉子

九日用玉局翁韻作呈坐上諸公

晴日亂雲收人在蘋香柳暉洲溪上清風樓上醉颺

颺共折黃花插滿頭 佳客獻還酬不負山城九  
秋茗碧下青供醑酌休休楚客當年浪自愁

又

拂檻曉雲鮮銷暑樓危竦半天曾是攜賓當薦九開  
筵度水縈山奏管絃 黃菊映華顛千騎重來已六  
年樓下東流當日水依然更對周旋舊七賢

減字木蘭花

薛肇明二侍姬至葛山觀梅薛公會作

葛山仙隱尚有餘膏留舊鼎十里梅花夾道爭看袞  
繡華 人間妙麗竝侍黃扉開國貴僻壤孤芳羞澀  
尊前不敢香

臨江仙

上巳日遊海昌王氏園吳宰劬及巾散兄

丹陽詞

三

倦客身同舟不繫輕帆來訪儒仙春風元已豔陽天  
天桃方散錦高柳欲飛綿 千古海昌佳絕地雙鳧  
暫此留連通宵娛客破芳尊蘭亭脩禊事梓澤醉名  
園

又

席上和呈中散兄及吳令

寶觀岩堯飛雉堞登臨恍欲升仙野桃官柳襯吳天  
春風寒食夜遺恨在封綿 聞道東溟才二里銀濤  
直與天連□□□□□□□□□□□□□□消渴解文  
園

減字木蘭花

公弼姪初授官

辛勤場屋未遇知音甘陸陸詔錄遺忠一札天書下

九重 鵝城初命此去青雲應漸近解褐恩新今歲  
吾家第四人

又病起不見  
杏花作

杏花零亂擬把百觚來判斷病臥漳濱不見枝頭開  
小春 吾衰老矣一醉花前猶不遂情緒厭厭虛度  
韶光又一年

虞美人

自蘭陵歸冬夜  
飲嚴州酒作

嚴陵灘畔香醪好遮莫東方曉春風盎盎入寒肌人  
道霜濃臘月我還疑 紅爐火熟香圍坐梅蕊迎春  
破一聲清唱解人頤人道牢愁千斛我誰知

鷓鴣天

丹陽詞

三

玉瑄還飛換歲灰定山新棹酒船回年時梁燕雙雙  
在肯爲人愁便不來 衰意緒病情懷玉山今夜爲  
誰頽年時梅蕊垂垂破肯爲人愁便不開

西江月

送衛卿弟  
赴定遠簿

萬卷舊推鴻博一官且慰蹉跎升平樓下賜危科曾  
對願昂黼坐 燕領從來骨貴鸞栖尙屈才多今宵  
且共入無何遠定功名麼麼

浪淘沙

十月十九  
夜賞菊

我愛菊花枝浥露偏宜旋移佳種一年期照眼黃金  
三徑爛可但東籬 秋老摘花吹敢恨開遲只愁一  
夜便香衰待插滿頭年大也且泛芳卮

鷓鴣天

賞菊  
二首

黃菊鮮鮮帶露濃，小園開徧度香風。自篋玉醞酬朝色，旋洗霜須對晚叢。香在手，莫匆匆。尋芳今夜有人同。黃金委地新收得，莫道山翁到底窮。

又

采采黃花鵪彩濃，吹開一夜爲霜風。已邀騷客陶元亮，不用歌姬盛小叢。秋易老，莫匆匆。齊山高興古今同。欲知此地花多少，一眼金英望不窮。

木蘭花

十二月二十日  
廬姊生辰

談圍曾蔽青綾帳，林下中年敦素尚。煙波偶趁一帆風，卻鎖雲扃來就養。自從悟得空無相，身把虛空

丹陽詞

古

來作樣。大千沙界抹爲塵，未比無生真壽量。

醉花陰

次韻  
印師

東皇已有來歸耗，十里青山道。凍拚萬林梅，一夜妝成似趁鳴雞早。年時清賞，曹同到先，仗遊蜂報抖擻舊心情。一笑酬春不羨和羹詔。

浣溪沙

賞  
梅

東閣郎官巧寫真，西湖處士妙傳神。嫣然一笑臘前春。鬪好雖無冰骨女，相宜幸是雪髯人。且煩疏影入清尊。

又

榮裏明珠夾實香，尊前堆雪脰絲長。何妨羌管奏伊

涼 翠葆重生無復日白波不釀有如江壁間醉墨  
任淋浪

臨江仙

章圃賞瑞香二首

二月風光濃似酒小樓新溼青紅碧琉璃色映羣峯  
更攜金鑿落來賞錦薰籠 調客舊留口月旦此花  
清軟纖穠未饒蘭蕙轉光風赤闌呈雅豔翠幕護芳  
叢

又

雪壁歌詞題尚溼春風又見輕紅一枝斜插映頭峯  
不辭連夜賞銀燭透紗籠 白髮欺人今老矣尊前  
羞見繁穠清香尤嫵虎溪風海棠須避席佳種漫蠶

丹陽詞

五

叢

浣溪沙

賞醉醺

一夜狂風盡海棠此花天遣殿羣芳芝蘭百濯見眞  
香 勸客淋浪燈底韻惱人魂夢枕邊囊一枝口插  
不口口

鵲橋仙

七夕

涼颺破暑清歌縈坐缺月稀星庭戶瓜華草草具杯  
盤喜共浥初筵零露 天孫東處牽牛西望勸汝一  
杯清醕精靈何必待秋通爲一洗朦朧今古

臨江仙

二月十二日錦薰閣賞花

檻外奇葩江外種嬌春未減鞋紅畫樓晴日斂雲峯

佛香來海岸蜀錦薦燈籠  
今夜那憂殺風景酒花  
來鬪妖濃江梅冷淡避春風  
明朝來縱賞應醉綺羅  
叢

蝶戀花

次韻張千  
里駒照花

二月春遊須爛熳  
秉燭看花只爲晨曦短  
高舉蠟薪  
通夕看紅光萬丈  
騰天半  
寄語平時遊冶伴  
不負  
分陰勝事輸今段  
燈火休催歸小院  
殷勤更照桃花  
面

又

再次韻千  
里駒照花

百紫千紅今爛熳  
舉燭輝花莫厭燒  
今短酒裏逢花  
須細看人生誰是英雄半  
安得紅顏爲老伴  
妙舞

丹陽詞

六

花前楊柳誇身段  
已倒玉山迴竹院  
清香不斷風吹  
面

又

已過春分春欲去  
千炬花間作意留  
春住一曲清歌  
無誤顧  
繞梁餘韻歸何處  
盡日勸春春不語  
紅氣  
蒸霞旦看桃千樹  
才子霏談更五鼓  
剩看走筆揮風  
雨

浪淘沙

九月十八日與  
千里賞菊三首

又見菊花新色淺  
香勻老人衰病臥  
漳濱雖是無聊  
仍止酒幸有嘉賓  
不用怨蕭辰  
不似芳春請看金  
蕊照金尊  
今夜花前須醉倒  
直到黎明

又

歌闕闌清新檀板初勻畫堂新築太湖濱好是黃花  
開應候聊宴親賓上客卽逢辰況是青春上林闕  
宴錫堯尊今夜素娥眞解事偏向人明

又

娉老小亭新丹堊初勻萬枝金菊繞溪濱折向華堂  
遮醉眼聊用娛賓紅燭夜香辰廣坐生春月波新  
釀入芳尊好向花前拚爛醉不負承明

丹陽詞

十七

丹陽詞終

魯卿常之雖不逮李氏晏氏父子每填一詞輒流傳  
絲竹然紹興紹聖間俱負海內重望其詞亦能入雅  
字常之歸愚詞余梓行既久復訂丹陽詞一卷以公  
同好如魯卿出處大畧已詳鴻慶序中矣梅虞毛晉  
識

丹陽詞跋



同汝成曾標出... 日精熟... 中矣... 手...  
字常之歸愚詞... 全... 入... 俱... 一... 卷...  
絲竹然紹興紹聖... 俱負海內重望其詞亦能入雅  
字常之歸愚詞... 余梓行既久復訂丹陽詞一卷以公  
同好如魯卿出處大畧已詳鴻慶序中矣梅虞毛晉

嬾窟詞

目錄

水調歌頭 四調

瑞鶴仙 三調

滿江紅 五調

水龍吟 一調

多麗 一調

念奴嬌 三調

風入松 三調

遙天奉翠華引 一調

幕山溪 一調

鳳皇臺上憶吹簫 一調

蝶戀花 一調

清平樂 二調

玉樓春 二調

秦樓月 一調

新荷葉 一調

菩薩蠻 十五調

西江月 二調

青玉案 三調

嬾窟詞目錄

一

昭君怨 一調

四犯令 一調

鷓鴣天 四調

朝中措 七調

點絳脣 二調

蘇武慢 一調

阮郎歸 三調

浪淘沙 一調

踏莎行 二調

浣溪沙 三調

眼兒媚 一調

漁家傲 二調

臨江仙 二調

柳梢青 二調

杏花天 一調

江城子 一調

南歌子 一調

瑞鷓鴣 一調

天仙子 一調

醉落魄 三調

減字木蘭花 一調

鵲橋仙 一調

嬭窟詞目錄終

嬭窟詞目錄

二

嬾窟詞

宋 侯 寘

水調歌頭

題嶽麓法華臺

曉霧散晴渚秋色滿湘山青鞵黃帽快與名士共躋  
攀窈窕深林幽谷詰曲危亭飛觀俛首跡塵寰長嘯  
望天末餘響下雲端 白鶴去荒井在汲清寒醒然  
毛骨浮邱招我御風還拂拭蒼崖苔蘚一寫胸中豪  
氣渺渺洞庭寬山鬼善呵護千載照層巒

又上饒送程伯禹尚書

涼吹送溪雨落日散汀鷗暮天空闊無際層巒綠蛾  
浮上印初辭藩寄拂袖欣還故里歸騎及中秋倚杖

嬾窟詞

一

飽山閣回首翠微樓 一區宅千里客舊從遊甘棠  
空有餘蔭誰解挽公留翰墨文章獨步富貴功名餘  
事當代仰風流暫蠟登山屐終作濟川舟

又為鄭子禮提刑壽

湘水照秋碧衡岳際天高繡衣玉節清曉歡傾擁旌  
旄本是紫庭梁棟暫借雲臺耳目駟傳小遊遨五筦  
與三楚醴愛勝春醪 掃檣槍蘇耄倪載弓橐遠民  
流戀須信寰海荷甄陶坐享龜齡鶴算穩佩金魚玉  
帶常近赭黃袍歲歲秋月底沈醉紫檀槽

又為張敬夫直閣壽

天地孕沖氣霜雪實嘉平粹然經世材具應為聖時

生妙處爲仁受用顛倒縱橫無壅一笑泮春冰袖手  
無一語四海已傾情 紫巖老游戲事悟誠明當年  
夷夏高仰玉振更金聲家有淵騫高弟可但聞詩聞  
禮衣鉢要相承周辰絢餘彩商鼎味新羹

瑞鶴仙

送張丞罷  
官歸柯山

楚山無際碧湛一溪晴綠四郊寒色霜華弄初日有  
玉明遙草金鋪平磧天涯倦翼更何堪臨歧送客念  
飛蓬斷梗無蹤把酒後期難覓 愁寂梅花憔悴茅  
舍蕭疏倍添悽惻維舟岸側留君飲醉休惜想柯山  
春晚還家應對菊老松堅舊宅嘆宦游索寞情懷甚  
時去得

嬾登詞

二

又

爲劉信叔  
大尉壽

溥天氣稔廓看慶綿鴻祚助昭麟閣蕃宣換符鑰占  
西南襟帶徧口油幕湘流繞郭藹一城和氣霧薄聽  
嘈嘈比屋歡聲共說吏閒民樂 遙想薌霏見暖翠  
擁屏深曉風傳樂瓊腴緩酌花陰淡柳絲弱任松凋  
鶴瘦蓮欹龜老丹頰常如舊渥趁天申去押西班牙奉  
觴御幄

又

詠合  
笑

春風無檢束故倡條冶葉恣情丹綠口鶯喧燕宿似  
東鄰北里都無貞淑高情恨盛歎何時重見桂菊又  
誰知天上黃姑掃盡晚春餘俗 幽獨鉛華不御翡

翠帷深鬱金裙款長眉瞭目嫣然態倚脩竹縱青門  
瓜美江陵橘老怎比無窮賸馥最難禁扇底橫枝惱  
人睡足

滿江紅

中秋上劉恭甫舍人

天闊江南秋未老空江澄碧江外月飛來千丈水天  
同色萬屋覆銀清不寐一城踏雪寒無跡況楚風連  
陌競張燈如元夕山獠靜棠陰寂秋稼盛香醪直  
聽子城吹角青樓橫笛君不見蘇仙翻醉墨一篇水  
調鏘金石念良辰美景賞心時誠難得

又

困頓春眠無情思夢魂飄泊簷外雨霏霏冉冉乍晴

嬾寫詞

三

還落山黛四圍頻入眼柳絲一縷低縈閣念沈郎多  
感更傷春腰如削風入戶香穿箔花似舊人非昨  
任遊蜂雙燕經營拂掠海闊錦魚傳不到洞深紫鳳  
期難約漫綵牋牙管倚西窗題紅藥

又

和徐叔至御帶

重到西湖春拆信露花酥滴倚危闌湖山佳處短屏  
著色擬泛一舟蒼莽岸恐傷萬里羈游客賴款門修  
竹有高人留狂迹傾蓋意真相得詩句裏曾相識  
看夏然飛動筆端金石照眼光浮瓊液滿斷腸翠擁  
宮靴窄問多情還肯借青鸞通消息

又

再用韻

老矣何堪隨處是春衫酒滴醉狂時一揮千字貝光  
玉色失意險爲湘岸鬼浩歌又作長安客且乘流除  
卻五侯門無車跡 驚人句天外得醫國手壘中識  
問鼎槐何似卧雲欹石夢裏略無軒冕念眼前豈是  
江湖窄揜蠅頭蝸角去來休休姑息

又和江亮采

甚矣吾衰徒自苦飢腸爲孽嗟寸祿區區留戀形疲  
心竭江湖一生真可羨塵埃永晝何堪說似鈍刀終  
歲斲空山寧無缺 拚放浪休豪傑秋水漲歸期決  
儘鳧長鶴短任渠分別芒屨夜尋溪上酒葛巾曉挂  
松間月向丹霄傳語舊交游慵非拙

嬾窟詞

四

水龍吟

老人壽詞

夜來霜拂簾旌深雲麗日開清曉香猊金暖冰壺玉  
嫩佳辰寒早橘綠橙黃袖紅裙翠一堂歡笑正梅妃  
月姊雪肌粉面爭妝點瀟湘好 莫惜芳尊屢倒擁  
羣仙醉遊蓬島東牀俊選南溟歸信一時俱倒鬢影  
搖春命書紆錦子孫環繞看他時歸去飛觴石澗侍  
甘泉老

多麗

帝城春玉堂深處飛煙想聖人恩隆內職左璫押賜  
傳宣綵衣明瑤觴膝下花晝永錦瑟尊前富貴從來  
功名餘事鼎彝勒徧筆如椽向中禁瑣窗偷覷王母

語當年清平世衣冠是誰三世甘泉  
記年時翹才獻壽小詩曾浣苔牋望三槐雲霞交映照五彩袞繡  
相鮮當日非諛如今方信門人稱頌是師言況自有  
兩宮醲眷卜夢亦徒然看指日鼎新化爐一氣陶甄

念奴嬌

和王聖俞

滄浪萬頃厭塵纓手掬清流頻洗落日孤雲煙渚淨  
鷗沒澄波心裏一舸橫秋兩橈開浪霜竹醒煩耳蕭  
蕭風露夢回月照船尾須信閒少忙多壺觴并賦  
詠莫辜雲水乘興前溪溪又轉隱約歸帆天際紅蓼  
丹楓黃蘆白竹總勝春桃李浮邱何在與君共誇琴

鯉

嬾詹詞

五

又

競春臺榭媚東風迤邐繁紅成簇方霽溪南簾繡捲  
和氣充盈華屋金暖香彝玉鳴舞珮春筍調絲竹烏  
衣宴會遠追王謝高躅藉甚四海聲名林泉活計  
未許翁知足日日江邊沙露靜人後東來雕轂八錦  
行持五禽游戲已受長生籙袞衣蟬冕最宜雙鬢凝  
綠

又

探梅

衰翁愁甚向尊前手撚一枝寒玉想見梅臺花更好  
一片瓊田栖霞綠短轡輕輿大家同去取酒償醲馥元  
來春晚萬苞空閒黃竹休恨雪小雲嬌出羣風韻

已覺桃花俗羯鼓聲高回笑臉怎得天公來促江上  
風平嶺南人遠誰度單于曲明朝酒醒但餘詩興天  
北

風入松

西湖  
戲作

少年心醉杜韋娘會格外疏狂錦箋預約西湖上共  
幽深竹院松窗愁夜黛眉顰翠惜歸羅帕分香重  
來一夢覺黃梁空煙水微茫如今眼底無姚魏記舊  
游凝竚淒涼入扇柳風殘酒點衣花雨斜陽

又

東樓煙重暗山光春意墮微茫小紅嫩綠勻如翦黯  
無言雲渡澄江沒處與人消遣倚闌情寄斜陽 共

櫛窟詞

六

君今夜舉清觴投老各殊方癡兒官事何時了恨花  
時潘鬢先霜喚取客帆聊住將予同下瀟湘

又

再用  
韻

霏霏小雨惱春光煙水更瀾茫昨宵把酒高歌處任  
一聲雞唱清江憔悴杏花如許情懷應似東陽宿  
醒猶在莫傳觴清悶苦無方幾時玉杵藍橋路約雲  
英同搗玄霜冷落黃昏庭院夢回家在三湘

遙天奉翠華引

雪消樓外山正秦淮翠蕙回瀾香梢豆蔻紅輕猶怕  
春寒曉光浮畫戟捲繡簾風暖玉鉤閑紫府仙人花  
圍羽帔星冠蓬萊園苑意倦游常戲世間佩麟舊

都江左襦袴歌歡只恐催歸覬賸宴都休訴酒杯寬  
明歲應看君鈞容舞袖歌鬢

驀山溪

建康郡園  
賞芍藥

玉麟春晚綠徧甘棠蔭可是惜花深旋移得翻階紅  
影朱簾捲處如在古揚州寶瓔路玉盤盂嬌豔交相  
映蓬萊殿裏幾樣春風鬢生怕逐朝雲更羅幕重  
重遮定多情絳蠟常見醉時容縈舞袖蕪歌塵莫負  
良宵永

鳳皇臺上憶吹簫

陽至節戲  
呈同官

玉管灰飛雲臺珥筆東君颺馭將還又正是霜花巧  
翦梅粉初乾窈窕紅窗髻影添一線組繡工閒瀟湘

嬾窟詞

七

好雪意向遙綠占羣山應思少年壯氣貪遊樂追  
隨玉勒金鞍更化日舒長贏得覓醉謀歡去□桑榆  
趁暖任從教潘鬢先斑猶狂在揮翰快寫春寒

又

再用韻  
贈黃宰

塵暗雙鳧菊明山徑何妨勸羽知還最好是詩翁醉  
後瓶罄壘乾一笑東風打耳心無競遠與春閑時□  
地覓伴訪梅尋勝登山清時俊材定用看捧詔春  
郊月露濡鞍況表識買臣貴骨琴瑟逾歡好向玉堂  
視草金章映萊子衣斑山人去蕙帳夜雨空寒

又

再用韻  
詠梅

浴雪精神倚風情態百端邀勒春還記舊隱溪橋日

暮驛路泥乾會伴先生蕙帳香細細粉瘦瓊閑傷牢  
落一夜夢回腸斷家山空教映溪帶月供遊客無  
情折滿雕鞍便忘了明窗靜几筆研同歡莫向高樓  
噴笛花似我蓬鬢霜斑都休說今夜倍覺清寒

又蠟梅用前韻

淺染霓裳輕勻漢額巫山行雨方還最好是肌香蠟  
瑩萼嫩紅乾曾見金鐘在列鈞天罷筍箴都間妖饒  
似曉鏡乍開綠沁眉山休誇瘦枝疏影湘裙窄一  
鈎龍麝隨鞍便更做山人倦賞畏冷無歡爭奈冰甌  
彩筆題詩處珠琲爛斑清宵永相對莫放杯寒

蝶戀花

次韻張子原尋梅

嬾窟詞

八

雪壓小橋溪路斷獨立無言霧鬢風鬢亂拂拭冰霜  
君試看一枝堪寄天涯遠擬向南隣尋酒伴折得  
花歸醉著歌聲緩姑射夢回星斗轉依然月下重相  
見

清平樂

詠橄欖燈毬兒

縷金翦綵茸縮同心帶整整雲鬢宜簇戴雪柳鬧蛾  
難賽休誇結實炎州且看指面纖柔試問苦人滋  
味何如插鬢風流

又

忍寒情味枝染薔薇水攬照清溪花影碎笑殺小桃  
穠李一生占口春妍偏宜月露娟娟欲寄江南春

去亂鷗點破雲牋

玉樓春

市橋燈火春星碎街鼓催歸人未醉半嗔還笑眼回  
波去欲更留眉斂翠歸來短燭餘紅淚月淡天高  
梅影細北風休遣雁南來斷送不成今夜睡

又

次中秋閨月表  
舅晁仲石韻

今秋仲月逢餘閨月姊重來風露靜未勞玉斧整蟾  
宮又見冰輪浮桂影尋常經歲睽佳景閨月那知  
還賞詠庾樓江閣碧天高遙想飛觴清夜永

秦樓月

與楊君攷  
月夜泛舟

天一色玉槃冷浸瀟湘碧瀟湘碧短亭繫纜隔江聞

嬾窟詞

九

胡牀對坐涼生腋通宵說盡狂蹤跡狂蹤跡少年  
心事老來難得

新荷葉

金陵府會  
鼓子詞

柳幄飛綿風池暖泛新萍燕壘泥香玉麟堂外春深  
晴雲麗日花濃處蜂蝶紛紛償春一醉管絃聲裏歡  
聲況是清時錦衣重到臺城故國江山向人依舊  
多情趁閑行樂休辜負冶葉繁英彤庭歸覲恁時難  
駐前旌

菩薩蠻

湖上  
卽事

樓前曲浪歸橈急樓中細雨春風溼終日倚危闌故  
人湖上山高情渾似舊只在東陽瘦薄晚去來休

裝成一段愁

又

小女淑君索賦晚春詞

東風吹夢春醒惡  
瑣窗淡淡花陰薄  
一夜曲池平小  
窗雲樣明  
綠輕眉懶  
暈香淺  
羅衣潤  
未見海棠開  
捲簾雙燕來

又

餞田莘老

江風漠漠寒山碧  
孤鴻聲裏霜花白  
畫舸且停橈  
有人魂欲銷  
相從能幾日  
總是天涯客  
尺素好頻裁  
休言無雁來

又

茶藤

東君管盡閒花草  
紅白白知多少  
末後一匳香  
綠

嬾窟詞

十

庭春晝長

道人心似海  
夢冷屏山外  
莫翦最長條

從教玉步搖

又

東風捲盡欺花雨  
月明皎紙庭前路  
月底且論詩  
從教露濕衣  
明朝愁入緒  
各自東歸去  
後夜月明中  
綠尊誰與同

又

木犀十詠帶月

綠帷翦翦黃金碎  
西風庭院清如水  
月姊更多情  
與人無際明  
濃陰遮玉砌  
桂影冰壺裏  
滅燭且徜徉  
夜深應更香

又

披風

靚妝金翠盈盈晚凝情有恨無人管何處一簾風故人天際逢從教香撲鬢只怕繁華盡牢落正悲秋  
口非誰解愁

又照溪

江梅占盡江頭雪忍寒玉骨誇清絕不似杜秋娘婆娑秋水旁波光涵晚日照影從教密隱隱認遙黃隔溪十里香

又浥露

黃昏曾見凌波步無端暝色催人去一夜露華濃香銷蘭菊叢縷金衣易濕莫對西風泣洗盡夜來妝溫泉初賜湯

嬾窟詞

十一

又命腸

休文多病疏杯酌被花惱得心情惡碧樹又驚秋追歡懷舊遊與君聊一醉醉倒花陰裏斜日下闌干滿身金屑寒

又簪髻

交刀剪碎瑠璃碧深黃一穗瓏鬆色玉蕊縱妖嬈恐無能樣嬌綠窗初睡起墮馬慵梳髻斜插紫鸞釵香從鬢底來

又熏沈

黃姑青女交相忌眼看塵土占芳蕊急掃滿闌金小匳熏水沈博山銀葉透濃馥穿羅袖猶欲問鴻都

太真安穩無

又來  
夢

午庭栩栩花間蝶翅添金粉穿瓊葉曾見羽衣黃瑤  
臺淡薄妝 醒來魂欲斷摻摻芳英滿夢裏尙偷香  
何堪秋夜長

又寫  
真

霓裳舞罷難留住湘裙緩若輕煙去動是隔年期生  
綃傅豔姿 精神渾似舊碧暗黃金瘦永夜對西窗  
何緣襟袖香

又怨  
別

揉香嗅蕊朝還暮無端卻被西風悞底死欲留伊金  
嬾窟詞

七

塵菽菽飛

茂陵頭已白新聘誰相得耐久莫相思

年年秋與期

西江月

金鼎香銷沈麝碧梧影轉闌干可庭明月倚窗閑簾  
幕低垂不捲 一自高唐人去秋風幾許摧殘拂簷  
脩竹韻珊珊夢斷山長水遠

又贈蔡仲常  
侍兒初嬌

豆蔻梢頭年紀芙蓉水上精神幼雲嬌玉兩眉春京  
洛當時風韻 金縷深深勸客雕梁菽菽飛塵主人  
從得董雙成應忘瑤池宴飲

青玉案

東園餞母舅晁  
閣學鎮臨川

東風一夜吹晴雨小園裏春如許桃李無言情難訴  
陽關車馬灞橋風月移入江天暮 雙旌明日留難  
住今夕清觴且頻舉咫尺清明三月暮尋芳賓客對  
花杯酌回首西江路

又

爲小大父林  
下老人壽

年年寓屋稱觴處陪綵綬尊前舞牢落瀟湘歸去未  
臘梅開徧冰蟾圓後夢斷靈溪路 長年厚福天分  
付算四海今獨步澗竹巖花如舊否與翁相伴歲寒  
庭戶儘占閒中趣

又

戲用賀方回韻  
餞別朱少章

三年牢落荒江路忍明日輕帆去冉冉元眞暗度

嬾窟詞

三

江山無助風波有險不是留君處 梅花萬里傷遲  
暮驛使來時望佳句我拚歸休心已許短篷孤棹綠  
簑青笠穩泛瀟湘雨

昭君怨

亦名宴  
西園

晴日烘香花睡花豔浮杯人醉楊柳綠絲風水溶溶  
留戀芳叢深處懶上錦鞦歸去待得牡丹開更同  
來

四犯令

月破輕雲天淡注夜悄花無語莫聽陽關牽離緒拚  
酩酊花深處 明日江郊芳草路春逐行人去不似  
酴醾開獨步能著意留春住

鷓鴣天

縣圃約同  
官賞海棠

萬點胭脂落日烘，坐間酒滿散微紅。誰教豔質撩潘鬢，生怕朝雲逐楚風。尋畫燭，照芳容。夜深兩行錦燈籠。朱唇翠袖休凝竚，幾許春情睡思中。

又

蜀錦吳綾翦染成，東皇花令一番新。風簾不礙尋巢燕，雨葉偏禁鬪草人。非病酒，不關春。恨如芳草思連雲。西樓角畔雙桃樹，幾許濃苞等露勻。

又賞芍藥

夢想當年姚魏家，尊前重見舊時花。雙檠分焰交紅影，四座春回粲晚霞。杯嫩豔，帽欹斜。夜深絕豔愈

嬾寫詞

十四

清佳天明恐逐行雲去，更著重重翠幕遮。

又送田簿秩滿還雲川

只有梅花是故人，歲寒情分更相親。紅鸞跨碧江頭路，紫府分香月下身。君旣去，我離羣。天涯白髮怕逢春。西湖蒼莽煙波裏，來歲梅時痛憶君。

朝中措雙頭芍藥

翻階紅藥競芬芳，著意巧成雙。須知揚州國豔，舊時曾在昭陽。盈盈背立同心，對綰聯萼，飛香牢貯深沈。金屋任教蝶困蜂忙。

又建康大雪戲呈母舅晁留守

漏雲初見六花開，驚巧妬江梅。飄灑元戎小隊，玉妝

旌旆歸來 恩同化手春回隴畝懽倒尊罍記取明  
朝登覽綠漪惟有秦淮

又

謝郭道深惠  
菊有二小鬟

露英雲萼一般清揉雪更雕瓊預喜重陽登覽大家  
插帽浮觥 分香減翠殷勤遠寄珍重多情不似綺  
窗雙豔向人解語傾城

又

依微春綠徧江干煙水小屏寒惆悵雁行南北新詞  
不忍拈看 從今寄取臨風把酒役夢忘殮飛絮落  
花時候扁舟也到孤山

又

嬾窟詞

五

風簾交翠篆香飄御暑捲輕綃最好佳辰相近壽觴  
對飲連宵 仙翁未老雲中跨鳳臺上吹簫看取他  
年榮事魚軒入侍塗椒

又

元夕上潭師  
劉共甫舍人

年來玉帳罷兵籌燈市小遲留花外香隨金勒酒邊  
人倚紅樓 沙隄此去傳柑侍宴天上風流還記月  
華小隊春風十里潭州

又

爲雲  
庵壽

年年重午近佳辰符艾一番新滿酌九霞奇醞壽君  
兩鬢長春 閨中秀美何如賦得林下精神早辦荆  
釵布袖共爲雲水閑人

點絳脣 金陵府會  
鼓子詞

春日遲遲柳絲金淡東風軟綠嬌紅淺簾幕飛新燕  
玉帳優游贏得花間宴香塵遠暫停歌扇沈醉深  
深院

又

約莫香來倚闌低瞰花如雪怨深愁絕瘦似年時節  
歲一相逢常是匆匆別歌壺缺又還吹徹笛裏關

山月

蘇武慢

湖州趙守  
席上作

暗雨收梅晴波搖柳萬頃水精宮冷橋森畫棟岸列  
紅樓兩岸翠簾交映天上行舟鑑中開戶人在蕊珠

嬾窟詞

六

仙境况吟煙嘯月彈絲吹竹太平歌詠 人盡說銅  
虎分賢銀潢儲秀鞏固行都藩屏棠陰散暑鼎篆凝  
香永日一庭虛靜紅袖持觴綵箋揮翰適意酒豪詩  
俊看飛雲丹詔行沙金勒待公歸觀

阮郎歸

和邢  
公珪

莫欺騎省鬢邊華會眠蘇小家綵絲縈腕翦輕霞菖  
蒲酒更嘉 人別後歎飛花雲山和夢遮吳牋小字  
寫流沙幾行秋雁斜

又

爲邢魯仲  
小鬢賦

美人小字稱春嬌雲鬢玉步搖淡妝濃態楚宮腰梅  
枝雪未消 拚惱亂儘妖嬈微窩生臉潮算來虛度

可憐宵醉魂誰與招

又爲張丞壽

熏風吹盡不多雲  
曉天如水清  
哦松庭院忽聞笙簾  
疏香篆明  
蘭玉盛鳳和鳴  
家聲留漢庭  
絨鞍長傍  
九重城  
年年雙鬢青

浪淘沙

曉日掠輕雲  
霜瓦鱗鱗  
大朝山色儼如新  
家在洞庭  
南畔  
住身在江濱  
華髮照烏巾  
無意尋春  
空將兩袖  
拂飛塵  
可惜梅花開近路  
惱盡行人

踏莎行

玉午元宵戲姜元汝功參議

元夕風光中興時候  
東風著意催梅柳  
誰家銀字小

嬾窟詞

七

笙簧倚闌度曲黃昏後  
撥雪張燈解衣貰酒  
觚稜金碧  
聞依舊  
明年何處看昇平  
景龍門下燈如畫

又約雲庵尋梅

雪意初濃雲情已厚  
黃昏散盡扶頭酒  
不知牆外夜來梅  
忍寒添得疏花否  
休更熏香且同攜手  
從教策策輕寒透  
亭兒直下玉生煙  
暗香歸去  
霑襟袖

浣溪沙

二衢陳金上作

客裏匆匆夢帝州  
故人相遇一杯休  
疏梅些子最清幽  
雙縮香螺春意淺  
緩歌金縷楚雲留  
不知妝鏡若爲儔

又次韻王子弁紅梅

倚醉懷春翠黛長  
肉紅衫子半窺牆  
蘭湯浴困懶勻  
妝 應爲長年食絳雪  
故教丹頰耐清霜  
弄晴飛靄  
笑馮唐

又 次韻杜唐 佐秋懷

春夢驚回謝氏塘  
篋中消盡舊家香  
休文多病怯秋  
光 空對金盤承瑞露  
竟無玉杵碎玄霜  
醉魂飛度  
月宮涼

眼兒媚 效易安體

花信風高雨又收  
風雨互遲留  
無端燕子怯寒歸  
晚閑損簾鉤 彈棋打馬心都懶  
擻掇上春愁  
推書就枕 見煙淡淡蝶夢悠悠

嬾窟詞

六

漁家傲

過盡百花芳草滿  
柳絲舞困闌干  
暖柳外鞦韆裙影  
亂人逐伴舊家心性如今懶  
斗帳寶香凝不散  
黃昏院落鶯聲晚  
紅葉不來音信斷  
疏酒盞東陽瘦損  
無人管

又 小舟發 臨安

本是瀟湘漁艇客  
錢塘江上鋪颿  
席兩處煙波天一  
色雲鷺羃吳山不似湘山碧  
休費精神勞夢役  
鷗鳧難上銅駝陌  
擾擾紅塵人似織  
山頭石潮生月落  
今如昔

臨江仙 約同官 出郊

一抹煙林屏樣展輕花岸柳無邊連朝春雨漲平川  
萋萋迎社鼓渺渺下陂船 同事多才饒我懶乘閒  
縱飲郊園髻花欹側醉巾偏時豐容卒歲遊樂更明  
年

又同官招飲  
席上作

失腳青雲何所往故山松竹應秋癡兒官事幾時休  
可憐雙白鬢斗粟尙遲留 尊酒偷閒聊放曠夜涼  
河漢西流從教孤笛噴高樓與君同一醉明日旋分  
愁

柳梢青  
贈張丞

小院輕寒酒濃香軟深沈簾幕我輩相逢歡然一笑  
嬾寫詞

九

春在杯酌 家山辜負猿鶴軒冕意秋雲似薄我自  
西風扁舟歸去看君寥廓

又送呂子  
紹守峽

楚天清絕葦岸蘭汀素秋時節簾捲湘鬢香飛雲篆  
耐看輕別 明朝底處關山算總是愁花恨月白馬  
江寒黃牛碛靜小梅初徹

杏花天  
豫章重午

寶釵整鬢雙鸞鬪睡來醒熏風襟袖絲絲皓腕宜清  
晝更艾虎衫兒新就 玉杯共飲菖蒲酒願耐夏宜  
春廝守榴花故意紅添皺映得人來越瘦

江城子  
萍鄉王聖俞席上作

萍蓬蹤跡幾時休  
儘飄浮爲君留  
共話當年年少氣  
橫秋莫嘆兩翁俱  
白髮今古事盡悠悠  
西風吹夢入江樓  
故山幽漫回頭  
又是手遮西日望皇州  
欲向西湖重載酒  
君不去與誰遊

南歌子

爲呂聖俞壽

菊潤初經雨  
橙香獨占秋  
碧琳仙釀試新篔  
內集熙熙  
休試蟻浮甌  
家世傳黃閣  
功名起黑頭  
雙鳧聊傍故人舟  
咫尺青雲歧路看英遊

瑞鷓鴣

送晁伯如舅席上作

遙天拍水共空明  
玉鏡開奩特地晴  
極目秋容無限好  
舉頭醉眼暫須醒  
白眉公子催行急  
碧落仙人

嬾窟詞

三

著句清後夜  
蕭蕭葦葦岸  
一尊獨酌見離情

天仙子

宴五侯席上作

暖日麗晴春正好  
楊柳池塘風弄曉  
露桃雲杏一番  
新花窈窕香飄縹  
玉帳靚深聞語笑  
新賜繡鸞花  
映照須信濃恩春  
共到漢家飛將久  
宣勞迎禁詔瞻  
天表入衛帝庭常不老

醉落魄

夜靜聞琴

銅壺漏歇紗窗倒  
挂梅梢  
月玉人酒暈消  
香雪促軫調絃彈  
个古離別  
雛鶯小鳳交  
飛說嘈嘈輓語  
丁  
盡切相如欹枕推紅氎  
脈脈無言還記舊時節

又

梅花似雪花，花卻似梅清絕。小窗低映梅梢，月常記  
良宵吹酒共攀折。如今客裏都休說，瀟瀟灑灑情  
懷別夜，闌火冷孤燈滅。雪意梅情，分付漆園蝶。

又

玉鉤珠箔夜涼，庭院天垂幕。好風吹動綸巾，角羽扇  
休揮已怯。絺衣薄，扁舟明日清溪泊。歸來依舊情  
懷惡，爲君喚月，驂鸞鶴。天近多寒，滿飲金鑿落。

減字木蘭花

春醒拚卻，鷓鴣一聲，花雨落。蜜炬紅殘，人在青羅步  
障間。天公薄相，慣得柳綿高百丈。綵筆題詩，休誦  
騷人九辨詞。

嬾窟詞

三

鵲橋仙

和蔡子周

鶴髮蕭森，玉顏腴潤，養就黃芽金鼎。一區松菊老湘  
濱，但心遠何妨人境。袞衣家世，鳴鸞歌舞，到了春  
冰消盡。不須惆悵，夢中身。這彩選輸贏，誰省。

嬾窟詞終

彥周東武人晁氏甥也涇陽之誼甘馬如玉樓春青  
玉案朝中措瑞鷗鵠諸調情見乎詞美其席上送行  
云後夜蕭蕭葦葦岸一尊獨酌見離情不讓徐勉送  
客曲弇州先生病美成不能作情語彥周殆能作情  
語者耶海虞毛晉識

嬾窟詞跋

臨晉郡城處士晉鑑

容曲余似武生疎美短不道者皆臨遠思故前計  
江終身蕭蕭葦葦岸一尊獨酌見離情不讓徐勉送  
王案朝中措瑞鷗鵠諸調情見乎詞美其席上送行  
云後夜蕭蕭葦葦岸一尊獨酌見離情不讓徐勉送  
客曲弇州先生病美成不能作情語彥周殆能作情  
語者耶海虞毛晉識

克齋詞

目錄

五福降中天 一調 卜算子 五調

憶秦娥 一調 惜分飛 一調

南歌子 一調 鵲橋仙 一調

醉落魄 一調 太常引 一調

調金門 三調 菩薩蠻 二調

浣溪沙 一調 行香子 一調

喜遷鶯 一調 菩薩蠻 一調

朝中措 一調 念奴嬌 二調

青玉案 一調 洞仙歌 三調

克齋詞目錄

虞美人 三調 留春令 一調

如夢令 一調 薄倖 一調

江城子 一調 滿庭芳 一調

採桑子 一調 西江月 一調

喜遷鶯 一調 西江月 一調

念奴嬌 四調

克齋詞目錄終

克齋詞

宋 沈端節

五福降中天

梅

月隴煙澹霜蹊滑孤宿暮林荒驛繞樹微吟巡簷索  
笑自分平生相得水池半釋正節物驚心淚痕沾臆  
流水濺濺照影古寺滿春色 沈嘆今年未識暗香  
微動處人初寂酷愛芳姿最憐幽韻來款禪房深密  
他時恨悵卻月凌風信音難的雪底幽期爲誰還露  
立

卜算子

愁極強登臨畢竟愁難避千里江山黯淡中總是悲

克齋詞

一

秋意 誰插菊花枝誰帶茱萸佩獨倚闌干醉不成  
日暮西風起

又 梅

冷蕊伴疏枝一笑何時共江北江南兩處愁忍看花  
影動 旅泊怕逢春卜睡都無夢歲暮何郎未得歸  
手撚頻呵凍

又

踏雪看孤芳只有詩人共守定南枝待得開不覺冰  
輪動 卻月與凌風漫說揚州夢想見雕闌曲沼邊  
殘雪和煙凍

又

客裏見梅花獨賞無人共風度精神總是伊又是  
心動把酒破憂端熏被尋佳夢夢覺香殘一味寒  
有淚都成凍

又

烘手熨笙簧呵凍勻酥面閒向梅花樹下行拜月遙  
相見何處托春心樂府流深怨卻燃寒窗傍綺疏  
恨極東風遠

憶秦娥

憑闌獨南山影醺杯心綠杯心綠悠然忽見卧披橫  
軸西風暗度釵梁玉手香記得人簪菊人簪菊無  
窮幽韻細看不足

克齋詞

二

惜分飛

桂花

喜入眉心黃點瑩珠佩玲瓏透影風露蕭蕭冷夢回  
月窟香成陣秋後情懷君莫問拚了因他瘦損不  
似尋常韻細看沒處安排悶

南歌子

遠樹昏鴉鬧衰蘆睡鴨雙雪篷煙棹炯寒光疑是風  
林纖月到船窗時序驚心破江山引夢長思量也  
待不思量淚染羅巾猶帶舊時香

鵲橋仙

懷人意思悲秋情緒長是文園病後蛛絲輕裊玉釵  
風想花貌參差依舊無窮往事一襟新恨老泪淋

浪后酒天涯相對話平生悵南北還如箕斗

醉落魄

紅嬌翠弱春寒睡起慵勻掠些兒心事誰能學深院  
無人時有燕穿幕漏聲滴盡蓮花萼靜看月轉西  
關角世情一任浮雲薄花與東君卻解慰流落

太常引

三三五五短長亭都只解送人行天遠樹冥冥悵好  
夢纔成又驚夜堂歌罷小樓鐘斷歸路已聞鶯應  
是因夢騰問心緒而今怎生

謁金門

真个憶花下雨聲初息猛記烏衣曾舊識丁盃教去

克齋詞

三

覓春半峭寒猶力淚滴兩襟成迹獨倚危闌清晝  
寂草長流翠碧

又

春欲去人瘦不勝金縷門巷陰陰飛絮舞斷腸雙燕  
語孤坐晚窗閒處月到花心亭午寒色著人無意  
緒竹鳴風似雨

又

尋勝去湖色淨涵疏樹欵乃一聲何處起風鈴相應  
語目送遙林修渚畫出江南煙雨山水照人人楚  
楚錦腸生秀句

菩薩蠻

春山千里供行色客愁濃似春山碧幸自不思歸子  
規心上啼芳意隨人老綠盡江南草窈窕可人花  
路長何處家

又

愁人道酒能消解元來酒是愁人害對酒越思量醉  
來還斷腸酒醒初夢破夢破愁無那乾淨不如休  
休時只恁愁

浣溪沙

燈夜香甘動綺筵明珠顆顆泛甌圓佳人巧意底難  
傳喜見翻溪流細滑卻思信手弄輕纖不知辛苦  
爲誰甜

克齋詞

四

行香子

煙淡回塘月浸疏篁一枝口壓盡羣芳翛然風度玉  
質金章有許多清許多韻許多香中酒情懷琢句  
心腸倚屏山子細端相冰芽初試桐子新嘗更綺窗  
前冰壺畔看勻妝

喜遷鶯

暮雲千里正小雨乍晴霜風初起蘆荻江邊月昏人  
靜獨自小船兒裏消魂幾聲新雁合造愁人天氣怎  
奈何少年時光景一成拋棄回首空腸斷尺素未  
傳應是無雙鯉悶酒孤斟半醺還醒乾淨不如不醉  
有得恁多煩惱直是沒些如意受盡也待今回廝見

從頭說似

菩薩鬢

楚山千疊傷心碧，傷心只有遙相憶。解佩揖巫雲，愁生洛浦春。香波凝宿霧，夢斷消魂處。空聽水泠泠，如聞寶瑟聲。

朝中措

天遙野闊雁書空，山遠暮雲中。目斷江南煙雨，□□欵枕春風。功名富貴何須計，較煙際疏鐘，解道淺妝濃。抹從來惟有坡翁。

念奴嬌

燈宵漸近，更兵塵初息，韶華偏早。太守風流張宴樂，

克齋詞

五

不管江城寒峭，髮底蜂兒，釵頭梅蕊。一一誇新巧，笙歌鼎沸，萬人爭看標表。應記革履雍容，天香滿袖。侍宴遊三島，聖主中興，思用舊尊禮。先朝元老，燭賜金蓮柑傳，羅帕行卽趨嚴道。深杯休訴，任教銀漏催曉。

又

重陽恁好，正秋清天色，水容如瀉。野闊風高，香霧滿採菊無人，同把堪笑。淵明蓬頭曳杖，吟賞東籬，下孤風遠韻。至今猶作佳話。爭似太守仁賢，慈祥愷悌。賦政多閑暇，千里江山，供勝踐尊俎。延登儒雅，只恐相將吹花春宴，不許斯民借花朝。便坐尙懷方外司。

馬

青玉案

使君標韻如徐庾更名節高千古卧治姑溪纔小駐  
開雲無定陽春有腳又作南昌去 興來亭上清歌  
度盡能唱公詩句記取諸生臨別語從容占對天顏  
應喜千萬留王所

洞仙歌

雪肌花貌見了千千萬眼去眉來幾曾管被今回打  
住沒口施程捺地卻悔看承較晚 琴心傳密意唯  
有相如失笑他滿恁撩亂抖下俏和嬌掩翠凌紅眞  
个是從前可見據入馬牢籠怎乾休但拈取眞誠試

克齋詞

六

教人看

又

夜來驚怪冷逼流蘇帳夢破初聞竹窗響回曉開簾  
凌亂重寒光清興發鶴筆誰同縱賞 江南春意動  
梅竹潛通醉帽衝風自來往慨念故人疏便理扁舟  
須信道吾曹清曠待石鼎煎茶洗餘醺更依舊歸來  
淺斟低唱

又

重陽近也漸秋光淒勁宿雨初收好風景正干戈者  
定禾黍豐登人意樂歌舞賢侯美政 醉翁遊歷處  
勝概依然木落淮南見山影有客共登臨醉裏疏狂

欵烏帽從嘲雪鬢但目送孤鴻傍危闌笑問道黃花  
似誰風韻

虞美人

去年寒食初相見花上雙飛燕今年寒食又花開垂  
下重簾不許燕歸來 隔簾聽燕呢喃語似說相思  
苦東君都不管閑愁一任落花飛絮兩悠悠

又

臥紅堆碧紛無數春事知何許班班小雨裊梨花又  
是清明時候不歸家 傷春減盡東陽帶人道多情  
殺青春留下許多愁分付與君今夜一齊休

又

克齋詞

七

暮雲衰草連天遠不記離人怨可憐無處不關情夢  
斷孤鴻哀怨兩三聲 恨眉醉眼何時見夜夜相思  
徧梧桐葉落候蛩秋唯有一江煙雨替人愁

留春令

舊家元夜追隨風月連宵歡宴被那懣引得滴流地  
一似蛾兒轉 而今百事心情懶燈下幾曾忺看算  
靜中唯有窗間梅影合是幽人伴

如夢令

雨後輕寒天氣玉酒中人小醉乍報一番秋晚簾清  
涼如水忺睡忺睡窗在芭蕉葉底

薄倖

桂輪香滿送寒色輕風翦翦又還是幽窗人靜梅影  
參差初轉念少年孤負芳音多時不見文君面漫快  
瀉瓊舟濃熏寶鴨終是心情差懶漫就枕渾無寐  
口聽徹天邊飛雁間愁消萬縷如何消遣繡衾口憶  
鴛鴦暖細思量徧倚屏山挑盡琴心誰識相思怨休  
文瘦損陡覺頻移帶眼

江城子

秋聲昨夜入梧桐雨濛濛酒窗風短杵疏砧將恨到  
簾櫳歸夢未成心已遠雲不斷水無窮有人應念  
水之東鬢如蓬理妝慵覽鏡沈吟膏沐爲誰容多少  
相思多少事都盡在不言中

克齋詞

八

滿庭芳

霧薄陰輕林深煙暖海棠特地開遲風光絕豔獨自  
殿芳時須信東君注意花神會別有看持羣英外媽  
然一笑富貴出天姿日長春睡足粉香撲撲酒暈  
微微明皇當日稱許最相宜如子扶來半醉宮妝淡  
不掃蛾眉徧憐處鶯驚繞金彈拂叢飛

採桑子

昔年曾記尋芳處短帽衝寒竹外江干玉面皮兒月  
下觀而今老大風流減商事心闌谷底林間坐對  
橫枝祇鼻酸

西江月

一枕香消睡惱十年漂泊江湖空餘清夢繞原廬記  
得林間風度錦繡谷中舊客襟懷未肯全疏從今  
不要別人扶醉擁紫雲歸去

喜遷鶯

冰池輕皺喜寒律乍回微陽初透歲晚雲黃日晴煙  
暖晝刻暗添宮漏山色岸容都變春意欲傳官柳最  
好處正酥融粉薄一枝梅瘦行樂春漸近景勝歡  
長幼眇絲簧奏鳴玉鳩行退朝花院猶有御香霏袖  
試問西鄰雖富何似東臯依舊趁未老便優游林壑  
圍棋把酒

西江月

克齋詞

九

幸自心腸穩審怎禁眼腦迷奚招愁買恨帶人疑一  
味笑吟吟地閑趁鶯來日下卻隨燕入烏衣阿鬢  
風味有誰知認得樂天詞意

念奴嬌

嫩涼清曉淡秋容橫寫鮫綉十幅山水光中參意味  
不管人間榮辱藜杖椶鞋綸巾鶴氅賓主俱遺俗倚  
闌舒嘯一尊花下相屬雲際有藥千年瓊瑤爭秀  
發龍蛇新斲富貴功名元自有且樂無窮真福蓮社  
風流醉鄉跌宕時奏長生曲月娥同聽好風徐韻松  
竹

又

洛妃漢女護春寒不惜鮫鮪重疊拾翠江邊煙澹澹  
交影參差隴月秦虢相將英娥接武同宴瑤池雪層  
冰連璧个中誰敢優劣 著意暈粉饒酥韻多香賸  
都與羣花別媚秀敷腴索笑處玉臉微生嬌靨羞損  
南枝映翻綠萼不數黃千葉形容不盡細看一倍清  
絕

又

湖山照影正日長嬌困不煩勻掃絮滿長洲春澹池  
開徧吳宮花草嫩綠匆匆輕紅蕝蕝漸覺枝頭少餘  
芳難並破愁惟有馨醪 應是留得東君海棠方待  
折玉環嬌小霧薄陰輕初睡足寶幄畫屏香裊醉態

克齋詞

十

天真半羞微斂未肯都開了嫣然一笑此時風度尤  
好

又

尋幽覽勝凭危闌極目風煙平楚自笑飄零驚歲晚  
欲挂衣冠神武芳甸時巡醉鄉日化庭實名花旅闌  
風蓬頂自來不見烽火 宴罷玉宇瓊樓醉中都忘  
卻瑤池歸路俯瞰塵寰千萬落渺渺峯端樓霧羣玉  
圖書廣寒宮殿一一經行處相羊物外曠懷高視千

古

克齋詞終

按花庵草堂二集俱不載沈端節故其品行亦無從  
攷惟馬端臨云字約之家於苕溪豈卽沈會宗同族  
耶今會宗詞亦不多見其贈炙人口者惟詠賈耘老  
若上水閣一闋云景物因人成勝概滿目更無塵可  
礙等閒簾幕小闌干衣未解心先快明月清風如有  
待誰信門前車馬隘別是人間開世界坐中無物不  
清涼山一帶水一派流亦白雲長自在苕溪漁隱云  
賈耘老水閣遺址去余水閣相近景物清曠悉如會  
宗之詞故余嘗有句云三閭小閣賈耘老一首佳詞  
沈會宗今讀克齋詞風致亦甚相類獨長于詠物寫  
景又不墮鄭衛惡習殆梅溪竹屋之流歟海虞毛晉

克齋詞跋

識

